

甘肅新通志卷之三十七

社學

社學由紳民捐辦教其同社子弟甘省地方瘠苦義舉不概見間有創辦者特標舉以為衆人風

蘭州府

皋蘭縣舊志社學五一東社學在普照寺西一西社學在道陞巷俱康熙七年巡撫華善建一府學齋房社學雍正三年巡撫許容建一南關社學在南關土地祠今廢

修學社康熙五十二年蘭州庠生程鴻翔等建置光緒八年移置道陞巷義學北

興文社在西柵子乾隆四十一年建梁濟灋試資銀頌德記自漢大小馮君而後吾鄉名宦史不絕書衛霍來馬諸公撫綏捍禦功在生民尚已至於振興文教雅意栽培黃蘭州孺李臨洮績楊忠愍公數人落落布

甘肅新通志

卷三十七

學校志 社學

於簡策豈非時勢所遭各有緩急歟吾邑山川雄厚先哲挺生彭幸菴鄒蘭谷諸公而後動業顯於時者不可勝數有明科名鼎盛及本朝累洽重熙涵濡養育一百四十餘年矣士之摩厲於功名者勢有必至且商謀利而士謀名其自為則然耳至於閒關阻隔躡屨趨起嗟逆旅之誰親居長安其不易自非卓然以世道人材為己任者其孰從而憫之蘭之鄉試於西安者一千四百餘里至京會試者四千餘里越隴阪涉涇渭險阻崎嶇異於平砥壤瘠民貧糗糧不繼蓋簡練於三年而瑟縮於臨時者多矣今大方伯前知皋蘭縣事山西臨汾王味謙先生察知其情慨然曰吾人遭際昇平邊圉無事為天子牧民養士當使奇傑有意之材茅茹彙進上以儲植幹而下以培風尚其事至重且急此試資經理之銀所由倡也成其事者則有今郡伯山西興縣康公靜溪驛傳觀察使安徽歙縣蔣公昉村秦州刺史滿洲鑲白旗奇公乙照涼州郡伯江蘇如皋吳公拙菴狄道州知州浙江臨安鄭公南宮皆皋蘭前令暨今明府浙江仁和陸公閻軒各捐冰俸共一千五百兩分貯當商月息二分三年得千餘兩每鄉試約計六十人人給十兩餘息仍交商免息俟會試者人給銀三十兩優拔貢生赴京二十兩恩科鄉會試給半以舉貢生員之品行端方者經理之恩可以得其概矣繼案嗚呼即此一事以推諸公牧民養士之恩可以得其概矣繼自今我蘭之廟切於文行以無負大賢之栽植者更當何如是宜紀諸貞石以誌勿讓且使後之覽者知世際雍熙一時循卓之風軼漢唐而上之也邑舉人邵榮清復作頌曰人文之盛興起有由邊陲毓秀甯異中州春闈秋試廣攬旁搜豈無遠志擔

登是憂天生諸公爲邦之休惠我蘭土清風是留俾茲譽髦樂業優游欲報之德益勵厥修蘭山轟轟河水悠悠頌我名宦秋豆干

龍泉里塾在城南二郎岡乾隆四十二年里民梁建中石玉樞等建同治六年燬於亂按察使譚尚忠龍泉里塾記繞岡盡山

山巍峯疊巖迤邐蜿蜒極浩渺環聯之勢山腰有泉泉自罅出滔滔滾滾直達山下民田灌溉賴之山於是得泉而精神焉山半多祠祠皆有閣登高遠眺則萬里洪濶千家煙火在指顧間長官往會亦往往託興於此洵勝境也戊戌之秋余餞節使過其下忽聞書聲琅琅出數十步間余詢之曰此城南里塾里人梁建中等集里中生徒五六十人延師課讀於二郎岡有年矣後歲餘以生徒聚廟中不便公議建塾廟右適里人石玉樞先塋旁有隙地一區衆遂商之玉玉欣然諾於是裒資而經營之工既竣請記於余余惟古者弟子生八歲入小學二十而冠始入大學家有塾黨有庠州有序學校之設命名不一其萃子弟而訓誨之則一也我朝文教誕敷直省各建書院以文行兼優者爲之師府州縣各立義學以專訓課以故山鄉僻壤莫不家絃戶誦崇尚文學今梁建中等能於比閭族黨之中擇公所延師賓以督其課復出其曠地以爲訓讀之所蘭民之好學尚義求之近日殆不數數睹者諸生徒生山高水長之地業山明水秀之旁藉山水之靈合智仁之契由小學而入大學教其行

甘肅新通志

卷三十七

學校志 社學

二

以裕其文以備國家論秀書升之選豈小焉已哉余樂觀其成爲書數語以誌其事

金縣社學在縣治西康熙九年知縣王之鯨捐建後燬於兵

興文社學道光四年知縣李焜暨紳民公建

狄道州社學四處一在塘坊寺一在北關廂一在新店子一在沙

泥站

渭源縣社學一在關外

靖遠縣社學一在協鎮府前譙樓東側

平涼府

隆德縣社學舊志有三久廢

涇州直隸州

靈臺縣社學在城隍廟右

鞏昌府

岷州廳社學在南門右明宏治十三年副使張泰創建

秦州直隸州

秦安縣社學舊志在城者三在鄉者三郭嘉鎮社學乾隆二十四年知縣保中捐建龍山鎮社學嘉慶十八年知縣董秉純諭建後俱改爲義學

徽縣社學五舊志一在學宮內四在鄉鎮俱知州鄧大棟捐建兩當縣社學舊在北街口後改書院

階州直隸州

文縣社學在儒學西邑令江景瑞創建

慶陽府

合水縣社學在城西關久廢乾隆二十六年知縣陶奕改設義學一在圈洞溝一在西華池一在本城東華池與舊爲四

甘肅新通志

卷三十七

學校志

社學

三

環縣社學舊志在縣治西久廢乾隆十六年知縣高觀鯉捐設社學三處

甯州社學四處俱廢

甯夏府社學五處

甯朔縣社學二舊志一在萬壽宮西一在萬壽宮東

平羅縣社學五處

中衛縣社學十處

西甯府

西甯縣社學三一在城中小演武廳東一在北川永安城一在西

川鎮海城

新社學在丹噶爾城乾隆十一年僉事楊應琚知府劉洪緒知縣陳銛主簿顧宗預捐俸創建

回民社學在東關大街北楊應琚創設

碾伯縣社學在城北雍正六年知縣張登高置

新社學一在老鴉察院東一在冰溝察院側乾隆十年知縣徐志內置

涼州府 新建社學在城隍廟側乾隆二十四年知縣何澤著捐俸創置

武威縣社學五一在本城內一在東關餘在鄉鎮俱邑令李如璣建立

鎮番縣崇文社在城內嘉慶二十二年知縣李師唐暨闔邑士庶

捐置邑令李師唐建置崇文社碑記嘉慶丁丑之首夏余以州牧攝白亭篆既下車整飭庶務百廢漸興公餘披閱志乘鎮邑在國初賢良接踵科第蟬聯文運之盛甲於河西後雖繼起有人未免今不逮古揆厥由來實緣自鎮至陝相距二千餘里制科之士往往限於資斧裹足不前致使皓首窮經終老牖下者指不勝屈余為之惻然謀所以作興之策適邑紳別駕

甘肅新通志

卷三十七

學校志 社學

四

謝柳溪同年以文社之說進曰此吾邑孝廉馬君栖梧義舉也先是孝廉為諸生時力以捐置文社為已任爰偕同志各解私囊惜九仞之山功虧一簣事輒中止迄今已十有餘載矣望我侯玉成之余聞而心竊喜焉因即公庭治具讌集樂善諸君克襄義舉而都人士果不余違破慳樂輸計捐銀一千五百兩有奇未幾東越謝裁亭明府選授茲土余旋卸縣篆新舊之交他務未遑首以此事為惓惓而謝明府亦歡忻從事先後共勸捐二千數百餘兩實貯崇文社銀二千兩整即合殷實大家分具領狀營運生息用佐鄉會資斧之需議舉公正社長二人專司出入以重責成下餘銀兩備修邑乘嗚呼邑之有志決科者可出奮然興矣余嘗考宋史選舉志熙甯中上垂意文學歲賜縉錢兩萬五千有奇復詔合州郡取田租屋課增為學費凡上舍生自川廣入貢過二千里者給券續食謂之學錢又咸平三年親試進士陳堯咨等百四十人其下第者試武藝量材錄用餘則賜錢遣還謂之裝錢斯二者非惠矧寒峻與我朝崇儒重道稽古右文屬在邊陲遇春秋闈試例得乘傳觀光湛恩汪濊覃及儒林甚盛典也今體此而行於一郡由一郡而行於一邑仁見文運日興科名益盛胥於斯焉基之雖然法積久而大備亦積久而弊生利益所在覬覦易萌薰心染指勢所必有諸君勉旃毋為官吏所侵漁毋為公私所挪用庶文社長此終古余行矣惜不能為之月要而歲會也特記以言以詔來者

甘州府社學在文廟側康熙間副使胡悉甯創置

張掖縣社學在城內乾隆二十六年知縣王廷贊修崇聖祠旋設

左右兩科社學

撫彝廳社學在圓通寺

高沅圓通寺社學記撫彝者古居延郡地也南界祁連番民環布北連沙漠蒙古居

之民處其中以耕以牧崇尚釋教鮮事詩書習染之移由來舊矣乾隆十八年春今制府楊大司馬任方伯時以邊未要區民風強悍奏請移駐柳林湖通判兵農教養咸寄焉戊寅予以降官來牧斯土入其境咸沙蹟也至其城地勢促狹居民僅百家無學校鄉塾也署東空地一區指為圓通寺廢地予頗陋之維時軍興旁午視事三月旋有五涼庫車之役碌碌風塵一切興舉有志未逮庚辰秋奉檄回任適父老以重修圓通寺請余應之曰釋氏虛無似睽聖教今 聖天子崇儒右文家絃戶誦且遍山陬何不謀修社學延名儒以教髦士而屑屑於瞿曇蘭若者何為僉曰此本佛地也未容改之實可兼之乃允其舉而以明倫之意隱為區畫無僧寮香火之繁無丹堊輝煌之飾捐俸建書舍十間將聚斯土俊秀誦詩讀書於其中眾益鼓舞不闕月工成繼自今香燈听夕雖舊染未除而辯志離經書聲自勝於梵聲矣因顏其社學之堂曰養正而於圓通寺則仍其舊云